



ARTIGU PESKIZA

ORIJINÁL

HODI BELE ASESU

**PAPÉL MINISTÉRIO DO TURISMO COMERÇIO E INDÚSTRIA BA
HASA'E KUALIDADE SORU TAIS TRADISIONAL IHA GRUPO HADADIN**

=====

Hakerek Nain : Diana Aris Soares (izame dia 31-7-2020,oras 10:00-11.30

Orientador : Albertino de Jesus

**Instituisaun : Universidade Da Paz, Faculdade Ciencia Sociais no Humana,
Departemento Relasaun Internasional**

=====

ABSTRATU

Monografia ne'e ho título **PAPÉL MINISTERIU TURISMU
COMERSIU NO INDUSTRIA BA HASA'E KUALIDADE SORU TAIS
TRADISIONAL IHA GRUPO HADADIN**, nee'e nu'udar obra sientifiku

Bazeia ba título mak hakerek na'in halo identifikasaun nia problema maka; 1.Sedauk iha Ministeriu relevante ne'ebé mak fasilita lalais atu hetan material ou sasan prima atu produs ba produktu soru Tais, 2. Sedauk iha Ministeriu ne'ebe mak kontrola no promove ba produktu sira ne'ebe mak produs ona, nune'e internacionalmente (turista) sira ka ema barak mak sedauk iha interesadu ba tais ho modelu diverifikasaun, 3. Sei menus kapasidade atu produz ba produktu ho qualidade ne'ebe maximal ba produsaun soru Tais. Ho ida ne'e mak hakerek na'in formula nia problema; Oinsa Papél Ministeriu Turismu Komersiu no Industria ne'ebé fó kapasitasaun ba grupu HADADIN hodi hasa'e no promove qualidade soru tais tradisional iha merkadu Internasional.

Teoria ne'ebé maka hakerek nain utiliza mak hanesan teoria Papél, teoria Governu, Teoria Industria, teoria indusria ki'ik,teoria qualidade,konseitu qualidade servisu,teoria kapasitasaun,teoria produktu lokal, teoria organizasaun, konseitu interese nasional, teoria relasaun internacional,teoria negosiasaun, teoria kopersaun, no Definisaun Tais; nudar resposta kona-ba problema sira ne'ebé mak indika ona no mós utiliza nudar matadalan ka baziku atu dezenvolve liu tan ba kontinua peskiza.

Iha monografia ida ne'e metode ne'ebé hakerek nain utiliza mak hanesan metode peskiza kualitativu deskriptivu, ho tekniku análiza dadus tuir *Miles no Huberman, (1984 iha nia livru Sugiyono 2010: 246).*

Rezultadu husi peskiza ida nee'e maka husi parte governu hala'o duni nia kana'ar no kapasita grupu industria ki'ik sira no aumenta sira nia konesimentu

no skill liu husi fo treinamentu ou formasaun kona-ba oinsa atu soru tais ho kualidade ne'ebe mak diak.

Bazeia ba resultadu peskiza ida nee'e maka hakerek nain hakarak foti konkluziun katak Papél Ministério do Turismo Comércio e Indústria ba hasa'e kualidade soru tais tradisional iha grupo Hadadin lao ho diak no involvimentu grupu indústria ki'ik sira ba iha desenvolvimentu Nasaun ida nian ne'e importante, tamba sétor indústria mós sai hanesan fátor determinante ba iha desenvolvimentu

Liafuan Xave: Papél Governo

1.1. Antesedente

Timor-Leste nudar nasaun estadu demokratiku no iha orgaun soberanu haat, aleinde husi orgaun Governu, maka orgaun Prezidensial, Parlamentu, no Tribunal ne'ebé mak independente no iha pilares ida-idak nian, no orgaun Governu ka *Executive* hodi produz ka hamosu Instituisaun no Ministeriu sira ne'ebé relevante ho asuntu espesifiku tuir nesesidade esensial ba povu rai doben Timor-Leste nian liu husi linha Ministerial sira mak ida Ministeriu Turismu Comersiu no Industria (MTCI).

Hafoin governasaun dahuluk mai ho krizi instituisional, Timor-Leste hamosu Planu Estratejiku Dezenvolvimentu 2011 – 2030 sai hanesan base de orientasaun ba implementasaun dezenvolvimentu

atu hamoris fila fali iha nével organizasaun ne'ebé hamahon-an iha governu Repúblika Demokrátika Timor-Leste, hodi atinji objetivu ne'ebé hatur ona iha Konstituisaun Estadu nian. Tamba Timor-Leste atu sai nasaun ida ne'ebé di'ak liu iha futuru oin mai mak presiza tebes dezenvolvimentu iha seitor hotu-hotu hanesan seitor sosial, ekonomia, politika no ba seitor sira seluk ne'ebé presiza tuir nesesidade povu rai doben ida ne'e..

Timor-Leste atu bele dezafia no kontribui ba ekonomia nasional no internasional maka presiza tebes fortifika, dezenvolvimentu no hamosu progresu ba ita nia ekonomia nasional rasik. Atu sai nu'udar kondisaun absoluta no atu bele hamosu sosiedade ne'ebé

justu, prosperu no hetan igualidade ba ema hotu maka husi seitor industria bele hare ba parte potencia lokal nian ne'ebé sidadaun Timor iha, no barak tebes mak iha potencia ba atividade grupu sira nune'e bele kria no desenvolve, liu-liu iha produsaun sira kona-ba material prima ne'ebé kada munisipiu iha. Ministeriu Turismu Comersiu no Industria hanesan Instituisaun ida husi orgaun Ezekutivu ne'ebé servisu no iha papel importante sira no ida mak liu husi diresaun jerál industria no cooperativa bazeia ba dekretu Lei no. 01/2013 iha artigu 18 maka sai nu'udar diresaun jerál ne'ebé iha mandatu hodi halao nia knar atu forma, kapasita, desenvolve no fortalese industria no cooperativa iha Timor-Leste. No mai ho objetivu ne'ebé klarumente katak atu hametin koordenaun servisu ho estrutura autoridade komunitaria mak hanesan: atu apoiu fundus ba inisiativa lokal, hasa'e vida ekonomia comunidade (ekonomia uma kain), promove desenvolvimentu sustentavel, kria

auto empregu, no hamenus kiak iha sosiedade nia le'et. No ida husi objetivu ne'e mak oinsá atu hasa'e no promove kultura ba mundu internasional kona-ba promosaun tais tradisional hodi hatudu Timor-Leste nia identidade no promove potencialidade oinsá atu produz no soru tais.

2. Identifikasaun problema

Bazeia ba antesedente problema ne'ebé iha leten maka hakerek na'in ba proposta ida ne'e identifika ba problema maka hanesan tuir mai ne'e:

1. Sedauk iha Ministeriu relevante ne'ebé mak fasilita lalais atu hetan material ou sasan prima atu produs ba produktu soru tais.
2. Sedauk iha Ministeriu ne'ebé mak kontrola no promove ba produktu sira ne'ebé mak produz ona, nune'e internacionalmente (turista sira) ka ema barak mak sedauk iha

interesadu ba tais ho modelu diversifikasaun.

3. Sei menus kapasidade atu produz ba produktu ho kualidade ne'ebé maximal ba produsaun soru tais.

3. Formulasun problema

Bazeia ba identifikasaun problema ne'ebé iha leten maka hakerek na'in ba proposta ida ne'e formula ba problema mak hanesan tuir mai ne'e:

“Oinsá Papél Ministeriu Turismo Comersiu no Indústria ne'ebé fó kapasitasaun ba grupu HADADIN hodi hasa'e no promove kualidade soru tais tradisional iha merkadu Internasionál?”

4. Objektivu peskija

Depois de *reviur* ka hare hotu relasiona ho antesedente kona-ba hakerek proposta ne'e, hakerek nain hetan ka foti objektivu husi hakerek Monografia ne'ebé ho título Papel Ministeriu Turismo Comersiu no Industria ba Hasa'e Kualidade Soru Tais Tradisional iha Grupu HADADIN maka:

- a. Atu hatene kona-ba Papel Ministeriu Turismo Comersiu no Industria ba Hasa'e Kualidade Soru Tais Tradisional iha Grupu HADADIN;
- b. Atu análise kona-ba Papel Ministeriu Turismo Comersiu no Industria ba Hasa'e Kualidade Soru Tais Tradisional iha Grupu HADADIN; no
- c. Atu halo deskripsaunkona-ba Papel Ministeriu Turismo Comersiu no Industria ba Hasa'e Kualidade Soru Tais Tradisional iha Grupu HADADIN.

5. Enkuadramento Teoria

Enkuadramento teoria iha peskiza ne'e mak hanesan:

Papel tuir **Poerwadarmenta (1995: 751)** katak “Hahalok ka asaun ne'ebé hala'o husi ema ruma ka grupu balun iha akontesimentu ruma”. Bazeia ba hanoin iha leten papel katak hahalok ka asaun ne'ebé hala'o husi ema ka grupu balun iha akontesimentu ka eventu

ruma, papel sai hanesan iha asaun ka hahalok ne'ebé iha espetativa, husi ema ka ema ruma ne'ebé iha Pozisaun ka Autoridade iha comunidade. Pozisaun no papel katak tau importánsia ba koñesimentu, no parte rua ne'e la bele hases ba malu.

No tuir **M. Kusnardi (1988)**,, fó prioridade ho ideias ida iha governu atu influencia ba estadu, regula bem-estar ba nia povu ou sidadaun no interesse ba sira nia sidadaun, no hala'o ka hala'o nia funsaun parlamentu, governu, no tribunais (*Legislative, Executive, and Yudicative*).

Tuir Usman **BinAffan (Yogyakarta, Pustaka Book Publisher 2007: 89)**, Governu hanesan atividade ida husi sidadaun ka povu iha nasaun ne'ebé hetan organiza ho teritoriu hotu iha nasaun, ne'ebé bazeia ba soberania nasaun nian no *ditakdirkan* nudar atu atinji onjetivu sidadaun ka povu ho teritoriu refere. Enkuantu tuir H. Muhammad Rohidin (Pranadjaja, 2003: 24), iha nia livru ne'ebé ho título "*Hubungan Pemerintah*", ho

gagasan iha governu ho esklaresé katak "*istilah* refere mai husi liafuan governu, ne'ebé iha arti katak liafuan sira ne'e ho sigranifika nudar hala'o buat ruma, buat ruma tenki hala'o, governu katak ema, instrumentu ou instrumentu sira ne'ebé retira ka esklui ou hasai orden ida.

Termu industria mai husi lian ka liafuan Latina, ou seja industria ne'ebé ho nia signifika empregadu ou trabalhadores. Termu industria dala rumah ou frequentemente uza maneira jerál no luan, katak atividade hotu-hotu relasiona ho ema hodiátende bania nesesidade sira ne'ebé atu atinji ho prosperiedade. Definisau industria tuir **Sadono Sukirno (1995: 54)** katak empreza ne'ebé ezejuta atividade ekonomia ne'ebé klasifika ba iha seitor sekundaria.

Milaningsih (2014) hateten katak liafuan Indústria mai husi lian Latina, maka Indústria ne'ebé ho nia signifika empregadu ka trabalhadores.

Tuir Goestch no **Davis (1994)** ne'ebé foti husi **Tjiptono (2012 :**

152), katak qualidade iha nia signifikaadu hanesan “Kondisaun dinamika ne’ebé pertinente ho produktu ka produsaun, servisu, rekursu humanu, prosesu, no ambiente ne’ebé nesesita ka liu iha espetativa”. Bazeia ba definisaun ida ne’e, qualidade mak hanesan ligasaun entre produsaun no kliente ka servisu ne’ebé fó ba konsumidór atu nesesita espetativa no desizaun konsumidór.

Tuir **American Heritage Dictionary** ne’ebé foti husi Roger Pressman iha nia livru kona-ba Software Engineering (2002: 217), fó nia definisaun kona-ba liafuan qualidade hanesan “karakteristika-ida ou buat ruma husi atributu”. Hanesan buat ruma husi atributu, qualidade refere ho karakteristika ne’ebé bele fó medida ne’ebé ita bele kompara ho padraun ne’ebé iha ona ka koñese hanesan longu, kór, natureza elektisidade, suavidade, no seluk tan.

•
Produkto Lokal hanesan inklu iha parte ekonomia nia laran hahú husi lala’ok, istoria no

movimentu mundial ne’ebé mosu ho espontanidade ideia ne’ebé sistematiku no ideoloziku ka planu ne’ebé hodi responde situasaun ekonomia ne’ebé ema ida-idak hasoru, grupu ne’ebé ho rekursu ki’ik labele halo kompetisaun ho situasaun ekonomia ne’ebé kompetatif iha merkadu rai laran no merkadu Internasional iha kontekstu dinamiku globalizasaun nia laran.

Atu garantia prosesu dezenvolve produkto lokal sai sustentavel iha Nasaun Timor-Leste presiza tebes diversifikasaun oi-oín liu husi produz Tais hodi promove liu tan atu nune’e progresu dezenvolvimentu produkto lokal lao ho di’ak iha merkadu no sai hanesan vizaun no objetivu ne’ebé positivu.¹

Komprensaun organizasaun husi peritus katak organizasaun ne’ebé mak servisu relasaun entre ho ema;

¹<http://temposemanaltimor.blogspot.com/2010/12/desenvolve-no-promove-produto-timor.html>

1. Tuir **Barnard (1938)**, Organizasaun katak *collectivity* ka kokletivu ida ne'ebé forma consciously ho formál ba objetivu atu atinje hamutuk liu husi kooperasaun entre ema sira ne'ebé ho fiar partilla kompromisu no objetivu.
2. Enkuantu tuir Marsu no **Simão (1958)**, Organizasaun ne'ebé mak grupu ida kona-ba ema sira ne'ebé halo interaksaun iha grupu sira n'ebé boot sira iha sistema koordenasaun ida, no klaru espesifikasaun iha estrutura no koordenasaun.

Organizasaun hanesan sistema papél, sei sai aktividade no prosesu (padraun relasaun servisu) no involve mós ema na'in hirak hanesan implementasaun tugas ka tarefa ne'ebé dezeña atu atinji objetivu hamuutk. Tuir **Robbins (1994)**; Organizasaun hanesan entidade sosial ida ne'ebé konxientemente ho kordenasaun, kompostu husi ema na'in rua ka liu

ho limitasaun ne'ebé relativamente ho identifikadu, ne'ebé funsiona ho continuidade atu atinji ita nia metas hamutuk.

Iha sorin seluk, tuir **Presthus (Etzioni, 1964: 1)** "*our society is an organizational society*". Tuir mai maka **Etzioni (1964)** hateten katak ita moris-mai iha organizasaun, eduka liu husi organizasaun, no kuaze entre ita hotu gasta ita nia moris servisu ba organizasaun. Portantu bele dehan katak organizasaun hanesan entidade sosial ne'ebé konxientemente halo kordenasaun ho limitasaun ne'ebé bele halo identifikasaun no servisu continuidade atu atinji objetivu komún ou grupu sira nia objetivu.

Komprensaun oi-oin ne'ebé mak hetan apresenta liu husi péritu ka matenek na'in sira kona-ba soru tais ou tecelagem. Komprensaun sira ne'e jeralmente se refere ba komprensaun ne'ebé hanesan, katak ti'i ba matéria sira ne'ebé bele iha transforma an sai ba kabala ne'ebé hafoin halo ba hena ka Tais ou knuan hodi uzateknika sira no intrumentu refere.

Tuir **Widati (2002: 135)** no Poerwadarminta **(1989):32**, fó nia interpretasaun kona-ba tais hanesan rezultadu husi badinas ne'ebé hena husi matéria ne'ebé halo husi kabas atu uza ba kabala (kabas, sutra, no seluk-seluk tan) ho maneira inklui ka hatama matéria ba transversalmente ba urdidura.

Tais katak tais tradisional ne'ebé halo husi feto iha Timor-Leste no utiliza iha serimónia adat ou ritual espesifiku hanesan: serimónia kazamentu, funeravel ka hakoi mate isin no serimónia kaben feto san umane. Tais mós hanesan roupa ka faru ne'ebé utiliza hanesan unidade ba troka no frequentemente dezeńadu iha kontendu imajen tradisional no padraun simbolu no kores.

Tais ho tipu seluk ne'ebé maka ita sei hare katak Selendan lensu hanesan Tais ne'ebé koloka ka hodi haleu ba kakorok. Tais ne'e frequentemente hodi fó hanesan prezente ka hadia ba serimónia ba bem-vindu no ba konvidadu sira husi nasionál no Internasionál no mós iha serimónia despedida nian.

Tais Timor-Leste ba nia orijinalmente halo para atu atinji nesesidade loro-loron nian hanesan *fashion cover and body armor* hafoin dezenvelope atu sai nesesidade ba adat nian (festa, serimónia, bidu, kazamentu, funeravel ka hakoi mate isin, nst.) i até agora hanesan matéria ofisiál vestuáriu no modernu ne'ebé ho dezeńu ou projetadu relasiona ho dezenvolvimentu moda, no mós atu atinji pedidu ou nesesidade konsumidores nian. Iha dezenvolvimentu, badinas soru tais hanesan rekursu ida bele hetan rendimentu sosiedade Timor-Leste.

6. Metodolojia Peskiza

Sugiyono katak metode peskiza nia bajiku maka metode sientifiku ne'ebé mak ita uza atu hetan dadu ne'ebé klaru ho objektivu no utiliza prova bazeia ba karakteristikusensia katak rasional empiris no sistematiku atu hetan responde no deskreve ba problema ne'ebé ita foti, nu'une iha peskiza ne'e hakerek nain uza metode peskiza kualitatif

deskriptivo. **Fatin Peskiza** mak iha Ministeriu Turismu Comersiu no Industria - Dili Timor-Leste no mós iha fatin Grupu HADADIN, hanesan tarjetu ba peskiza kona-ba papel Ministeriu Turismu Comersiu no Industriaba hasa'e kualidade soru tais tradisional. Fonte ba dadu husi Dadu Primaria no Dadu sekundaria husi fatin peskiza. Tékniku Halibur dadu husi, Observasaun, Intervista no Dokumentasaun iha fatin peskiza. **Teknika Analiza Dadu** ho Dadu hotu-hotu mak halibur hamutuk hodi análiza ho metodu kualitativu deskriptivu ho objetivu atu hatene signifikaado klean Kona-ba Papel Ministeriu Turismu Comersiu no Industria ba grupu Soru tais.

7.Resultadu Peskiza no Diskusaun

Apresentasaun dadus tuir rezultado peskiza hanesan tuir mai ne'e:

7.1.Planu departamentu Parques Industria nia hanoin atu lori Tais ba iha Merkadu Internasional

Haktuir husi Sr. Mario Melo Gongaza nu'udar **Chefe Departamentu Parques Industria**

iha Diresaun Nasional Desenvolvimentu Industria hato'o Katak : “Kona-ba Papel Ministeriu Turismu Comercio no Industria liga ba ho produtu lokal Tais Timor nian sai hanesan patrimonio ida laos ba deit estadu maibe inklui ba Timor tomak tamba Tais mak marka Kultura no identidade Timor-Leste nian ba mundu Internasional Alende ida nee mos Papel Ministeriu liu husi Diresaun Nasional da Industria nafatin buka meius oinsa hodi kria mekanisamu oi-oin atu bele dezenvolve produtu Tais, formasasun no treinamentu oi-oin atu bele dezenvolve produtu tais no fo rezultadu ho kualidade ne'ebe diak atu nu'une bele kompete iha merkadu nasional no mos internasional”.**(Entervista nee hala'o iha loron Quarta-Feira 11-Setembru-2020, Oras; 9:34-10:15 OTL**

7.2. Mekanismu Saida mak Governu Prepara ona atu promove Tais ba Mundu Internasional

Haktuir husi Sr. Mario Melo
 Gongaza nu'udar **Chefe**
Departamentu Parques Industria
Diresaun Nasional
Desenvolvimentu Industria hatu'o
 Katak: "Iha Meius no Tekniku
 barak no mekanismu oi-oin mak
 Ministeriu liu husi diresaun
 Nasional Industria nee halao atu
 promove Tais nee ba mundu,
 ministeriu fo treinamentu no
 formasaun oi-oin kona-ba material
 prima sira hanesan kabas no koor
 ba tais alende hetan kuliadade diak
 ba material prima sira bele moss fo
 rezultadu ne'ebe diak baa iha Tais,
 no Ministeriu liu husi Diresaun
 Nasional Industria halao kopersaun
 ho departamentu perendustrian
 Indonesia Jakarta mai fo
 treinamanetu no formassasun kona-
 ba GKM (Gubus Kendali Mutu)
 katak foka liu ba iha kualidade husi
 inisiu soru tais too remata, no tais
 nee serve duni tama iha merkadu
 Nasional no
 Internasional".(Entervista nee
 hala'o iha loron Quarta-Feira 11-
 Setembru-2020, Oras; 10:17-
 10:25 OTL)

7.3. Oinsa ho ita boot nia hanoin kona-ba material prima ne'ebe hodi soru tais, durante nee sei ba sosa husi rai vizinu Indonesia

Haktuir husi Sr. Mario Melo
 Gongaza nu'udar **Chefe Dep.**
Parques Industria Diresaun
Nasional Desenvolvimentu
Industria hatu'o Katak : "Sim
 agora dadaukita sedauk iha
 produsaun ba kabas no kor kimia
 sira, no iha tempu uluk sira uza
 kabas ida bolu Tii sei liu husi
 prosesu ne'ebe naruk mak bele
 hetan kabas ida hodi bele soru ba
 sai Tais , tamba kabas ida "Tii" nee
 mais defisil entaun tenki asesu ba
 iha merkadu maibe laos iha
 merkadu rai laran maibe iha rai
 vizinu Indonesia durante nee sei
 ultiza nafatin kabas husi rai vizinu
 indonesia , difikuldade ne'ebe mak
 agora dadauk infrenta liu iha grupu
 industria kiik sira nee mak kabas,
 Naftol kimiku hodi halo koor ba
 kabas. Grupu barak mak sei utiliza
 "Wanteks" hodi hatun kualidade
 Tais , liu-liu iha Grupu industria
 kiik sira ho ida nee ministeriu husu

ba grupu industria kiik sira atu
labele hatun kuliadade tais ho
Material sira ne'ebe mak la
serve".(Entervista nee hala'o
iha loron Quarta-Feira 11-
Setembru-2020, Oras; 10:34-
10:50 OTL,)

7.4. Impaktu kompete soru Tais Timor iha merkado Internasional bazeia ba mekanismu iha Ministeriu Turismu Comerci Industria nian

Haktuir husi Sr. Antonio
daCostanu'udar **Diretor Geral
da Indústria** hatu'o Katak
:"Tais ita foin promote iha
mundo internasional liu husi
organizasaun UNESCO foin
registu atu sai patrimoniu
mundial, tamba nee ita persija
servisu makas hodi halo
qualidade tais ho diak atu nune
bele kompete iha merkadu
internasional no liu-husi
ministeriu Turismu Comerci
Industria nafatin halo kopersaun
ho nasaun indonesia atu mai fo
treinamentu no formasasun ba
grupu industria kiik sira atu

bele amenta konesimentu ba
sira hodi bele soru tais nee sai
diak liu tan, impaktu negativu
ida mak ita seidauk iha
kebijakan ida ne'ebe kee forte
atu utiliza tais nee hanesan
produitu nasional tamba nee
mak sei iha kompetisaun ho
ropa sira seluk , sei ita uza ona
nia sai produitu nasional ema
hotu bele uza sai farda
querdizer nia merkadu nee bele
sai luan ona, agora dadauk
merkadu sei klot taba seidauk
iha politika ida mak atu
deside,ka hanoin ba futuru oin
mai iha politika ida mak bele
deside kona ba ida nee'e".

(Entervista nee hala'o iha loron
Segunda-Feira 17-Setembru-2020,
Oras; 10:12-10:17 OTL,

7.5. Preparasaun ka espetiva
hanesan kordenadora ba grupu
HADADIN kona-ba existencia
grupu refere iha futuru oin mai
Haktuir Husi Sra. Elda dos Santos
nu'udar Cordenadora ba Grup
HADADIN ami nafatin halo
diverifikasaun ba Tais ho

kretividade ne'ebe mak ami iha no iha futuru ion mai ami hakarak husi parte ministriu kompetente atu nafatin tau matan mai ami grupu industria kiik sira no kria fatain ne'ebe estrateziku ida mai ami atu ami bele faan ami produ hirak nee atu nune'e merkadu kona-ba Tais Tradisiional bele luan liu tan. ".(Entervista nee hala'o iha loron Sabado 24- Otubro -2020, Oras; 11 :45 -12:11 OTL

8.Konkluzau

Bazeia ba resultadu husi peskiza iha leten, maka hakerek nain halo konkluzasaun katak involvimentu grupu industria ki'ik sira ba iha desenvolvimentu Nasaun ida nian ne'e importante, tamba sétor industria mós sai hanesan fátor determinante ba iha desenvolvimentu, desde Timor-Leste restaura ninia Indepéndensia iha loron

20/05/2020 governu liu husi *Ministério do Turismo Comércio e Indústria* (MTCI) hala'o duni nia funsaun hodi fó atensaun no ajuda ba grupu empresa ki'ik no mós ba grupu indústria kiik sira iha teritorio Timor-Leste tomak.

Involvimentu governu liu husi *Ministério do Turismo Comércio e Indústria* (MTCI) hodi hasa'e, desenvolve no kapasidade grupu indústria iha area Soru Tais Tardisional iha Nasaun Timor-Leste . *Ministério do Turismo Comércio e Indústria* (MTCI) ninia esforsu hodi fó atensaun ba grupu indústria ki'ik sira ba iha desenvolvimentu ekonomia ne'ebé sustentavel.

Husi peskiza ne'e rasik mós hakerek nain observa durante peskiza iha katak *Ministério do Turismo Comércio e Indústria* (MTCI) husi parte governu , hala'o duni ninia funsaun em termos de fó kapasitasaun no aumenta sira nia konesimentu

iha area soru tais tardisional no mos oinsa atu produs material prima hodi soru tais hosi aihoris sira ne'ebe mak ita iha atu nu'une bele hamenus importsaun material prima ba soru tais husi rai liur, atu nu'une grupu indústriá ki'ik sira hodi hasa'e kualidade ba iha sira nia produto hodi bele kompete iha merkado Nasional no mos Internasional. No *Ministério do Turismo Comércio e Indústria* (MTCI) kada tinan mós halo exposizasaun hodi bolu grupu indústriá ki'ik sira ne'ebé durante ne'e hetan ona kapasitasaun hodi bele partisipa iha expo refere atu nune'e bele promove no fa'an sira nia produto i mós comunidade no internacionalmente (turista) sira bele hatene sira nia produutu.

Relasiona ho hirak iha leten, hatudu katak Papel *Ministério do Turismo Comércio e Indústria* (MTCI)

nafatin esforsu a'an atu fo suporta ba grupu indusria kiik sira liu husi fo treinamentu atu halo koor ba kabas no oferese makina soru tais, no problema ne'ebe agora dadauk grupu infrenta mak menus ba material prima ne'ebe mak agora dadauk sei hetan husi rai vizinhu indonesia, no grupu industria kiik sira balun nafatin uza kor kimiku hanesan wanteks hodi halo kor ba tais maibe bele halo estraga baa originalidade ba tais nee raisk.

9.Rekomendasaun

Bazeia ba konkluzau iha leten ne'ebe mak iha relasaun ho Papel *Ministério do Turismo Comércio e Indústria* (MTCI) ne'ebe hasae kualidade Soru Tais Tradisional iha Grupo Hadadin , tan nee mak parte sugestaun ida nee, hakerek nain prefere liu atu :

1. Suzere ba Governu Liu husi *Ministério do Turismo*

- Comércio e Indústria* (MTCI) atu hapara produto (Tais Printing) ne'ebe importasaun husi Nasasun Cina nian ne'ebe mak faan ho folin baratu.
2. Suzere ba Parte Governu atu tau importansia ba importasaun material prima Soru Tais atu nune fasil ba Grupo Industria kiik sira atu hetan.
 3. Suzere ba Grupo Industria kiik sira Liu-liu ba Grupo Hadadin atu labele uza material kimiku hanesan Wanteks atu estraga koor natural ba Produtu lokal Tais.
 4. Suzere ba grupo Atu nafatin manteim folin produto ne'ebe razoavel no atendimento ba konsumidores sira hotu.

Referencia

1. Livrus

- Constituisaun RDTL (2002); iha artigu138, Organizasaun Ekonomia nian,; Paj. 45
- Clinton, W. David (1986) *"The National Interest: Normative Foundations" The Review of Politics*
- Planu Stratégiku Dezenvolvimentu Nasional 2011 - 2030
- Jornal da República 2013;. Dekretu Lei no. 01/2013;*Estrutura Orgânica do Ministério do Comércio, Indústria e Ambiente., Artigu 18, Diresaun Geral ba Industria no Coperativas.*
- Manejementu, ALFABETA, Bandung,. Cetakanbadalatolu, 2006
- Miles and Huberman (1984), dalambuku Metode Penelitian Kuantitatif Kualitatif dan R & D, Sugiyono, 2010.*
- Rochester, J. Martin (1978) *"The "National Interest" and Contemporary World Politics" The Review of Politics, Vol. 40, No. 1: pp. 77-96.*

Syamsir Torang (2016), Teoria Organizaſaun iha Organizaſaun no

Oppenheim, Felix E. (1987) “*National Interest, Rationality, and Morality*” *Political Theory*, Vol. 15, No. 3; pp. 369-389.

Nincic, Miroslav (1999) “*The National Interest and Its Interpretation*” *The review of Politics*, Vol. 61, No. 1; pp. 29-55.

Clinton, W. David (1986) “*The National Interest: Normative Foundations*” *The Review of Politics*,

Jackson, R. & Sorensen, G. (1999),. *Introduction to International Relations*. Oxford : Oxford University Press, Chapter 1.

Moh.Nazir, Metode Peskiza, ghalia Indonesia, cet. Ba dala hitu, oktober 2011. Paj. 12; iha *Monografia Felix Cristov Pinto*,. Kona-ba Analisis Terhadap Program RYLA-TL Tentan, . . . ermpilan Kepemimpinan Bagi Generasi Muda/i di Timor-Leste,.

2 internet

http://repository.uin-suska.ac.id/12544/7/7.%20BAB%20II_2018154ADN.pdf

<https://pengertiandefinisi.com/pengertian-pemerintahan-menurut-para-ahli/>

<http://eprints.umm.ac.id/36035/3/jiptummpg-gdl-lubnatussi-50357-3-babii.pdf>

<http://temposemanaltimor.blogspot.com/2010/12/desenvolve-no-promove-produto-timor.html>

<https://pakarkomunikasi.com/teori-negosiasi>

<https://www.dosenpendidikan.co.id/kerjasama-adalah/>

<http://repository.usu.ac.id/bitstream/handle/123456789/61461/Chapter%20II.pdf?sequence=3&isAllowed=y>

<https://www.seputarpengetahuan.co.id/2015/05/14-pengertian-industri-menurut-para-ahli-terlengkap.html>

<http://timoroman.com/2017/12/06/mengenal-kain-tais-tradisional-timor-leste/>